



digitalnim sredstvima, uključujući i isporuku edukativnih sadržaja putem interneta, lokalnih (intranet/extranet LAN/WAN) računarskih mreža, putem audio i video medija, emitovanje edukativnih sadržaja putem satelita, interaktivne TV, opto-medija i drugih digitalnih i elektronskih sredstava uz korištenje platforme za online učenja.

(11) Visokoškolske ustanove su dužne nakon realizacije online nastave dostaviti izvještaj o realizaciji Ministarstvu obrazovanja, nauke, kulture i sporta USK-a.“

#### Član 4.

U članu 54. u stavu (1) iza interpunkcijskog znaka tačka, briše se tekst „Provjera znanja je u pravilu pismena.

U istom članu iza stava (5) dodaju se novi stavovi (6), (7), (8) i (9) koji glase:

„ (6) Online ispitivanje podrazumijeva definiranje načina provođenja ispitivanja, objašnjenje izgleda ispita, objašnjenja kako će se ispit ocjenjivati, šta se očekuje od studenta, koliko student mora ostvariti bodova za prolaz, a koje informacije trebaju biti dostupne studentima minimalno sedam dana prije održavanja online ispita.

(7) Prije održavanja online ispita provest će se probni ispit na kojim će nastavnik zajedno sa studentima isprobati svu tehnologiju, procedure ispitivanja, odnosno simulirati stvarni ispit, kao i utvrditi rezervno rješenje za studente koji će eventualno imati tehničkih problema (nestanak struje, pucanje internetske veze, nemogućnost slikanja i slanja).

(8) Nastavnici mogu birati oblik online ispitivanja i kombinirati više oblika online ispitivanja:

- a) Putem infoservisa,
- b) Putem web conferencing aplikacije,
- c) Putem drugih dostupnih aplikacija za ovu namjenu.

(9) Senat visokoškolskih ustanova u obavezi je da izvrši usklađivanje Pravila studiranja na I, II i III ciklusu studija sa odredbama člana 3. i 4. ovog Zakona.“

#### Član 5.

U članu 57. iza stava (7) dodaju se novi stavovi (8) i (9) koji glase:

„(8) Ocjena komisije je konačna.

(9) U slučaju negativne ocjene, student je dužan ponovo upisati i slušati predmet iz kojeg je polagao ispit pred komisijom.“

#### Član 6.

U članu 69. stav (4) mijenja se i glasi:

„(4) Student koji se finansira iz budžeta u toku školovanja može redovno obnoviti po jedan put svaku godinu.“

#### Član 7.

U članu 78. dodaju se novi stavovi (4) i (5) koji glase:

„(4) Akademski zvanja iz prethodnog stava razvrstavaju se u nastavnička i saradnička zvanja.

(5) Nastavnička zvanja su: redovni profesor, vanredni profesor, docent, profesor visoke škole, predavač visoke škole, a saradnička zvanja su lektor, viši asistent i asistent.“

#### Član 8.

U članu 79. stav (1) tačke b), d), e) i f), mijenjaju se i glase:

„b) viši asistent: stepen drugog ciklusa (magisterij) iz odgovarajuće oblasti s najmanje 300 ECTS bodova i najnižom prosječnom ocjenom na studiju I i II ciklusa, odnosno na dodiplomskom i postdiplomskom studiju 8 ili 3,5.

d) docent: naučni stepen doktora nauka u datoj oblasti, najmanje 3 naučna rada u priznatim publikacijama, proveden jedan izborni period u saradničkom zvanju.

e) vanredni profesor: naučni stepen doktora nauka u datoj oblasti, provedeno 5 godina u zvanju docenta, objavljeno najmanje 5 naučnih radova u priznatim publikacijama, objavljena jedna knjiga ili originalni naučni ili stručni uspjeh, kao što je naučni projekt, patent ili originalna metoda, uspješno mentorstvo 1 kandidata za II ciklus studija.

f) redovni profesor: naučni stepen doktora nauka u datoj oblasti, provedeno 6 godina u zvanju vanrednog profesora, objavljeno najmanje 8 naučnih radova u priznatim publikacijama, objavljene dvije knjige, uspješno mentorstvo 1 kandidata za III ciklus studija, računajući od posljednjeg izbora.“

u istom članu dodaju se novi stavovi (2), (3), (4) i (5) koji glase:

„(2) Kada član akademskog osoblja nakon isteka izbornog perioda ne bude izabran u isto ili više zvanje, visokoškolska ustanova/organizaciona jedinica može, prije otkazivanja ugovora o radu, ponuditi članu akademskog osoblja zaključivanje novog ugovora o radu na poslovima za koje se ne traži izbor u akademsko zvanje ako za to postoji mogućnost i potreba.

(3) Ukoliko kandidat za napredovanje u zvanje vanrednog ili redovnog profesora iz objektivnih razloga nije ispunio uslov mentorstvo na II ciklusu onda je dužan objaviti još jedan rad u citatnim bazama, a ukoliko nije ispunio mentorstvo na III ciklusu onda je kandidat dužan objaviti još dva rada u priznatim publikacijama, kao prvi autor, koje su indeksirane u citatnim bazama, ili još dva mentorstva na II ciklusu, računajući od posljednjeg izbora.“

(4) Objektivni razlozi za neispunjavanje uvjeta mentorstva iz stava (3) ovog člana su:

- a) ako na fakultetu nije organiziran studij drugog i trećeg ciklusa odnosno postdiplomski studij.
- b) ako nijedan kandidat nije prijavio temu magistarskog ili doktorskog rada iz naučne oblasti za koju se vrši izbor.

c) ako zbog broja kandidata u datom vremenskom periodu kandidat za izbor u određeno akademsko zvanje nije određen za mentora.

(5) Rokovi za izbor u isto ili više akademsko zvanje utvrđeni zakonom produžit će se za:

- a) vrijeme provedeno na porodiljskom odsustvu, odsustvu radi njege djeteta (postporodiljsko),
- b) bolovanje duže od šest mjeseci,
- c) plaćeno i neplaćeno odsustvo radi stručnog usavršavanja i
- d) u drugim naročito opravdanim slučajevima predviđenim zakonom ili općim aktom organizacione jedinice.“

## Član 9.

U članu 83. (Izbor u više zvanje) iza stava (1) dodaju se novi stavovi (2), (3), (4) i (5) koji glase:

„(2) Sadržaj pojmova iz uslova za izbor u viša zvanja (naučni rad objavljen u priznatim publikacijama, priznata publikacija, pokazane nastavničke sposobnosti, objavljena knjiga, originalni stručni uspjeh kao što je projekt, patent ili originalna metoda, pokazani rezultati u nastavnom radu, uspješno javno predstavljeni oblici umjetničkog stvaralaštva koji su značajno doprinijeli razvoju kulture i umjetnosti, mentorstvo kandidata za stepen drugog i trećeg ciklusa ili magisterija i doktorata po predbolonjskom obrazovanju), preciznije se uređuje statutom visokoškolske ustanove.

(3) Visokoškolska ustanova je obavezna u roku od 90 dana od dana stupanja na snagu ovog zakona donijeti pravilnik o izboru u akademsko zvanje kojim će uspostaviti bodovni sistem vrednovanja naučnih radova kao uslova za izbor u akademsko zvanja, kao i ostala relevantna pitanja za izbore u viša zvanja.

(4) Visokoškolska ustanova je obavezna u roku od šest mjeseci od dana stupanja na snagu ovog

